

四庫全書

史部

欽定四庫全書

金史卷七十一

元中書右丞相總裁托克托等修

列傳第九

幹魯

烏楞古貝勒 博勒和

烏哲庫

棟摩

宗叙 本名德壽

幹魯韓國公和卓第二子康宗初蘇伯水鴻觀部沃赫  
貝勒及威準哲爾德二部有異志威泰治之烏色幹魯

為之佐伐沃赫拔其城以歸高麗築九城於海蘭甸烏  
色母疾病幹魯代將其兵者數月幹魯亦對築九城與  
高麗抗出則戰入則守烏色用之卒城高麗收國二年  
四月詔幹魯統諸軍與棟摩芬徹都古嚕訥合咸州路  
都統烏楞古等伐高永昌詔曰永昌誘脅戍卒竊據一  
方直投其隙而取之爾此非有遠大計其亡可立待也  
東京渤海人德我舊矣易為招懷如其不從即議進討  
無事多殺高永昌渤海人在遼為裨將以兵三千屯東

京八甌口永昌見遼政日敗太祖起兵遼人不能支遂  
覬覦非常是時東京漢人與渤海人有怨而多殺渤海  
人永昌乃誘諸渤海并其戍卒入據東京旬月之間遠  
近響應有兵八千人遂僭稱帝改元隆基遼人討之久  
不能克永昌使托卜嘉標哈以幣求救於太祖且曰願  
併力以取遼太祖使華沙布往諭之曰同力取遼固可  
東京近地汝輒據之以僭大號可乎若能歸欵當處以  
王爵仍遣係遼籍女直呼圖克來高永昌使托卜嘉與

華沙布呼圖克偕來而永昌表辭不遜且請還所俘渤海人太祖留呼圖克不遣遣大藥師努與托卜嘉往招諭之幹魯方趨東京遼兵六萬來攻昭蘇城額圖琿貝勒阿里罕與戰於伊都之地大破之五月幹魯與遼軍遇於瀋州敗之進攻瀋州取之永昌聞取瀋州大懼使家奴道拉以金印一銀牌五十來願去名號稱藩幹魯使華沙布薩巴往報之會渤海高禎降言永昌非真降者特以緩師爾幹魯進兵永昌遂殺華沙布等率衆

來拒遇于鄂爾和水我軍既濟永昌之軍不戰而却遂  
北至東京城下明日永昌盡率其衆來戰復大敗之遂  
以五千騎奔長松島初太祖下寧江州獲東京渤海人  
皆釋之往往中道亡去諸將請殺之太祖曰既已克敵  
下城何為多殺昔先太師常破敵獲百餘人釋之皆亡  
去既而往往招其部人來降今此輩亡後日當有効用  
者至是東京人恩勝努仙格等執永昌妻子以城降即  
寧江州所釋東京渤海人也先太師蓋謂世祖云未幾

托卜嘉執永昌及道拉以獻皆殺之於是遼之南路係籍女直及東京州縣盡降以幹魯為南路都統德特貝勒留烏珍知東京事詔除遼法省賦稅置明安穆昆一如本朝之制九月幹魯朝于巴爾密特水上慰勞之辛亥幸幹魯第張宴官屬皆預賜賚有差矩威水部錫勒哈塔殺綽哈布古德幹魯分和隆果烏珍之兵討之綽哈宗室子魁偉善戰年十五隸軍中多見任用以兵五百敗室韋獲其民衆及招降矩威水部以功為穆昆布

古德初事薩哈從討蕭哈里降矩威水部領行軍千戶  
從破黃龍府戰達嚕噶城皆有功其破寧江州渤海伊  
實布叛去布古德追復之至是與綽哈同被害幹魯至  
希爾哈河錫勒哈塔遯去追及于哈達拉山誅其首惡  
四人撫定餘衆詔曰汝討平叛亂不勞師衆朕甚嘉之  
綽哈等死於國事聞其尸棄於河俟冰釋必求以葬其  
民可三百戶為一穆昆以衆所推服者領之仍以其子  
弟等為質幹魯乃還天眷中綽哈贈奉國上將軍布古



德贈昭毅大將軍幹魯從都統襲遼主遼主西走西京  
已降復叛敵據城西浮圖下射攻城者幹魯與哈布爾  
攻浮圖奪之復以精銳乘浮圖下射城中遂破西京夏  
國王使李仁輔將兵三萬來救遼次于天德之境羅索  
與幹魯合軍擊敗之追至野谷殺數千人夏人渡澗水  
水暴至漂溺者無算遼主在陰山青塚之間幹魯為西  
南都統往襲之使博爾蘇薩噶爾瑪克以兵二百襲  
遼權六院司喀勒扎於白水濼獲之遼主留輜重於青

塚領兵一萬往應州遣卓哩布達各率兵邀之宗望奄至遼主營盡俘其妻子宗族得其傳國璽幹魯使使奏捷曰賴陛下威靈屢敗敵兵遼主無歸勢必來降已嚴戒鄰境毋納宋人合饋軍糧令尼楚赫往代州受之詔徧諭有功將士俟朕至彼當次第推賞遼主戚屬勿去其輿帳善撫存之遼主伶俜去國懷悲負恥恐隕其命孽雖自作而嘗居大位深所不忍如招之肯來以其宗族付之已遣楊璞徵糧於宋尼楚赫不須往矣遼趙王

實訥埒及諸官吏並釋其罪且撫慰之太祖還京師宗翰為西北西南兩路都統幹魯及普嘉努副之宗翰朝京師詔以夏人言宋侵略新割地以便宜決之魯幹奏曰夏人不盡歸戶口資幣又以宋人侵賜地求援兵宋之邊臣將取所賜夏人疆土蓋有異圖詔曰夏人屢求援兵者或不欲歸我戶口沮吾追襲遼主事也宋人敢言自取疆土于夏誠有異圖宜謹守備盡索在夏戶口通聞兩國事審處之幹魯復請弗割山西與宋則遼主

不能與宋郭藥師交通復詔曰宗翰請毋與宋山西地  
卿復及此疆場之事當慎毋忽及宗翰等伐宋幹魯行  
西南西北兩路都統事天會五年薨皇統五年追封鄭  
國王天德二年配享太祖廟庭子薩巴銀青光祿大夫  
子色哩

烏楞古貝勒宗室子也太祖伐遼使烏楞古阿魯撫諭  
幹琿集賽兩路係遼女直與遼節度托卜嘉戰敗之斬  
托卜嘉古納嶺烏爾圖罕等十四達哈藩皆降幹琿集

賽兩路亦降與遼都統錫埒戰于咸州西敗之斬錫埒于陣與羅索克咸州圖們呼圖以所部降于烏楞古鄰部戶七千亦來歸遂與遼將赫伯戰破其軍數萬人太祖嘉之以為咸州軍帥幹魯伐高永昌于東京烏楞古以咸州軍佐之遼秦晉國王耶律聶哈來伐都古嚕訥羅索博勒和等將二萬衆合烏楞古咸州兵往擊之呼圖克嘗叛入于遼居東京南永昌據東京太祖索之以歸烏楞古伐永昌以便宜署呼圖克為千戶蘇都哩鄂

勒博皆無功亦以便宜除官及以便宜解權穆昆哈布爾黃格達希布等職皆非其罪太祖聞之盡復哈布爾等穆昆呼圖克等皆罷去太祖聞烏楞古軍中往往闕馬而官馬多匿於私家遂檢括之耶律聶哱佛德遺烏楞古書請和烏楞古以聶哱書并所答書來上且請曰復有書問宜如何報之詔曰若彼再來請和汝當以阿蘇等叛亡索而不獲至於交兵我行人薩喇亦不遣還若歸薩喇及送阿蘇等則和好之議方敢奏聞仍恐議

和非實無失備禦聶哱軍于蒺藜山烏楞古以兵一萬  
戍東京太祖使都古魯訥羅索復以兵一萬益之詔曰  
遼主失道肆命徂征惟爾將士當體朕意拒命者討之  
服者撫安之母貪俘掠毋肆殺戮所賜聶哱詔書可傳  
致也詔聶哱曰汝等誠欲請和當廢黜昏主擇立賢者  
副朕弔伐之意然後可議和約不然當盡并爾國其審  
圖之聶哱復書烏楞古云降去人赫伯見還則當送阿  
蘇等上曰赫伯等乃交兵之後來降阿蘇則平日以罪

亡去其事特異復詔聶哱令此月十三日送阿蘇至顯  
州各遣重臣議疆場事烏楞古等攻顯州知東京事完  
顏鄂倫以兵來會即以兵三千先渡遼水得降戶千餘  
遂薄顯州郭藥師乘夜來襲鄂倫擊走之烏楞古等遂  
與聶哱等戰于蒺藜山大敗遼兵追北至額勒錦陂獲  
佛德家屬遂圍顯州攻其城西南軍士實都踰城先入  
燒其佛寺烟焰撲人守陴者不能立諸軍乘之遂拔顯  
州於是乾懿豪徽成川惠等州皆降乾州後為閭陽縣



遼諸陵多在此禁無所犯徙成川州人于同銀二州居  
之聶喀再以書來請和烏楞古承前詔以阿蘇為言答  
之駐軍顯州以聽命賜烏楞古等馬十匹詔曰汝等力  
摧大敵攻下諸城朕甚嘉之遼主未獲人心易搖不可  
恃戰勝而失備禦遼雙州節度使張崇降烏楞古以便  
宜命復其職仍令世襲烏楞古久在咸州多立功亦多  
自恣和勒博雙寬等告烏楞古不法事遼帝在中京可  
追襲而不追襲咸州糧草豐足而奏數不以實攻顯州

獲生口財富多自取聶喀博爾蘇等亦告貝勒蒙克瑪  
奇鄂倫齊遜阿爾本伊喇等多取生口財富遂以閼格  
代為咸州路都統閼格亦宗室子也既代烏楞古治咸  
州初都古魯訥羅索奏攻顯州新降附之民可遷其富  
者于咸州路貧者徙內地於是詔使閼格擇其才可幹  
事者授之穆昆其豪右誠心歸附者擬為明安錄其姓  
名以聞饑貧之民官賑給之而使棟摩為其副統云久  
之遼通祺雙遼四州之民八百餘家詣咸州都統降上

曰遼人賦歛無度民不堪命相率求生不可使失望分  
置諸部擇善地以處之太祖召烏楞古自問之烏楞古  
引伏闕格鞠鄂倫等詔降烏楞古為穆昆而禁錮鄂倫  
等天輔六年討賊于牛心山道病卒天眷中贈特進天  
德二年配享太祖廟庭大定十五年諡莊翼

博勒和安帝五代孫太祖伐遼使博勒和徵都古魯訥  
兵失期杖之後與琿楚以四千人助羅索尼楚赫攻黃  
龍府薩里罕察必達爾兄弟齊達勒部人嘗寇扎蘭路

穆宗遣博勒和討之至阿里瑪河薩里罕偽降略馬畜  
三百而去復沃楞部掠二十五寨太祖復使博勒和討  
之博勒和渡索歡河招降旁近諸部因籍丁壯為軍至  
特通額水察必達爾偽降復叛執而殺之博勒和至德  
里城圍之薩里罕遁去博勒和破其城執其妻子薩里  
罕遂降曰我之馬牛財貨盡矣何以為生博勒和與之  
馬十匹齊達勒部產良馬太祖使赫舍哩阿實罕掌其  
畜牧博勒和及子博索俱為穆昆天輔五年摘取諸路

明安中萬餘家屯田于泰州博勒和為都統賜耕牛五十博勒和舊居按春水自是從居泰州并實登扎克丹阿里托歡錫勒塔干等俱徙焉唯族子薩拉噶嘗為世祖養子獨得不徙太祖取燕京博勒和為右翼兵出居庸關大敗遼兵遂取居庸蕭妃遜去都監高陸等來送款乞降實古納追蕭妃至古北口蕭妃已過三日不及而還上令博勒和和索哩率輕騎追之蕭妃已遠去獲其從官統軍察喇宣徽扎拉并其家族及銀牌二印十

有一及達喇叛博勒和實古納討平之其羣官率衆降者就使領其所部太宗以空名宣頭及銀牌給之同時有博勒和者羅索平陝西博勒和勝額監戰後為平陽尹西南路招討使終於慶陽尹泰州博勒和守邊屢有功太宗賜衣一襲并賜其子博碩八年以甲冑賜所部諸穆昆天會十二年加同中書門下平章事天眷元年駐烏爾古德喀勒地薨贈開府義同三司諡剛毅子博碩襲明安天眷二年為泰州副都統子威泰廣威將軍

博索官特進子烏哲庫

烏哲庫善騎射年二十以本班祇候郎君都管從征伐有功授修武校尉皇統二年權領泰州軍平陝西至涇州大破宋兵於馬西鎮超遷寧遠大將軍襲明安復以本部軍從宗弼權都統正隆末從海陵伐宋契丹反與德昌軍節度使伊蘇瑪勒同討之詔許便宜從事大定初除咸平尹駐軍泰州俄改臨潢尹攝元帥左都監與廣寧尹布薩歡塔俱從元帥右都監實圖美解臨潢之

圍契丹引衆東行烏哲庫追及于斡里山押軍明安契  
丹呼魯蘇以所部助敵攻官軍官軍失利泰州節度使  
烏哩雅來救未至臨潢與敵遇烏哩雅敗僅以數騎脫  
歸敵攻泰州其勢大振城中震駭將士不敢出戰敵四  
面登城押軍明安烏克遜阿里布率軍士數人持鋤刀  
循城應敵力戰斫甚衆敵乃退泰州得完烏哲庫迺  
使穆昆富埒琿徙百姓旁邑及險阨之地以俟大軍明  
年聚甲士萬三千於濟州會元帥默音敗斡罕於長樂



戰霧霖河戰陷泉皆有功改呼爾哈節度使卒烏哲庫  
性聰敏有才智善用軍常出敵之不意故能以寡敵衆  
而所往無不克號為鵠軍云

棟摩世祖第九子太祖異母弟也高永昌據東京幹魯  
征伐之命棟摩等為之佐已克潘州城中出奔者棟摩  
邀擊殆盡與永昌隔鄂爾和水衆遇淖不敢進棟摩以  
所部先濟諸軍畢濟軍東京城下城中人出城來戰棟  
摩破之于首山殲其衆獲馬五百匹及烏楞古以罪去

咸州棟摩代之於是棟摩為咸州路副統遼議和久不成太祖進兵詔咸州路都統司令色克留兵一千鎮守棟摩以餘兵會于渾河太祖攻上京實臨潢府諭之下遼人恃儲蓄自固上親臨陣棟摩以衆先登克其外城留守托卜嘉率衆出降都統果兵至中京棟摩自城西沿土河以進城中兵尚餘三千皆不能守遂克之宗翰等攻西京棟摩羅索等於城東為木洞以捍蔽矢石於北隅以芻茭塞其隍城中出兵萬餘將燒之溫特赫

博恰率衆力戰執旗者被割博恰自執旗奮擊却之又為四輪革車高出於堞棟摩與麾下乘車先登諸軍繼之遂克西京與遼步騎五千戰於朔州之境斬首三百級復敗遼騎三百于河陰遼兵五千屯於馬邑縣南復擊破之隳其營壘盡得其車馬器械遼兵三萬列營于西京之西棟摩以三千擊之棟摩使士卒皆去馬陣於溝塹之間曰以一擊十不致死地不可使戰也因謂衆曰若不勝敵不可以求生於是人皆殊死戰遼兵遂敗

追至其營而止明日復敗其兵七百餘人興中府宜州  
復叛棟摩討之并下詔招諭詔棟摩曰遼之土地皆為  
我有彼雖復叛終皆吾民可縱其耕稼毋得侵掠貝勒  
蒙克薩布烏達等獲契丹糾堅興中平棟摩為南路都  
統討和勒博詔曰和勒布以烏合之衆保據險阻其勢  
必將自斃若彼不出掠毋庸攻討耶律阿固齊等殺和  
勒博于景藟之間其衆遂潰張覺據平州叛入于宋棟  
摩自錦州往討之覺將以兵脅遷來潤隰四州之民棟

摩至潤州擊走張覺軍遂北至榆關遣俘持書招之復敗覺兵於營州東北欲乘勝進取南京時方暑雨退屯海濡逐水草休息使布呼蒙克兩明安屯潤州制未降州縣不得與覺交通九月棟摩破覺將王孝古於新安敗覺軍於樓峯口復與覺戰於兔耳山棟摩大敗太宗使宗望問棟摩敗軍之狀宗望遂以棟摩軍討覺及宗望破張覺太宗乃赦棟摩召宗望赴闕棟摩連破偽都統張敦固遂克南京執敦固殺之上遣使迎勞之詔曰

聞下南京撫定兵民甚善諸軍之賞御差等以給之又  
詔曰南京疆場如舊屯兵以鎮之命有司運米五萬石  
于廣寧給南京潤州戍卒遂下宜州拔义牙山殺其節  
度使韓慶民得糧五千石詔以南路歲饑許田獵其後  
宋童貫郭藥師治兵棟摩輒因降人知之即具奏語在  
宋事中而宗翰宗望皆請伐宋於是棟摩副宗望伐宋  
宗望以棟摩屬尊先皇帝任使有功請以為都統以監  
戰事於是棟摩為都統素赫副之敗郭藥師兵於白河

遂降燕山以先鋒渡河圍汴宋人請盟將士分屯于安肅雄霸廣信之境宗望還山西棟摩與劉彥宗留燕京節制諸軍八月復伐宋大軍克汴州諸軍屯於城上城中諸軍潰而西出者十三萬人棟摩達蘭分擊大敗之師還棟摩為元帥左都監攻河間下之大破敵兵萬餘於莫州宗輔為右副元帥徇地淄青棟蘭與宗弼分兵破山谷諸屯宋李成兵圍淄州烏凌阿托雲破之棟摩克維州達呼布珠爾蘇連破趙子昉等兵至于河上烏

凌阿托雲破敵于靈城鎮及議伐康王棟摩欲先定河北然後進討太宗乃酌取羣議之中使羅索取陝西宗翰宗輔南伐天會六年薨年四十熙宗時追封吳國王天德二年配享太祖廟庭正隆改封譚王大定二年徙封魯王諡莊襄子宗叙

宗叙本名德壽棟摩第四子也奇偉有大志喜談兵天德二年充護衛授武義將軍明年授世襲穆昆擢御院通進遷翰林待制兼修起居注轉國子司業兼左補闕



正隆初轉符寶郎在宮職凡五年皆帶劍押領宿衛遷  
大宗正丞以母憂去官以本官起復未幾遷侍衛親軍  
馬軍都指揮使改左驍騎都指揮使明年海陵幸南京  
宗叙至汴契丹薩巴反宗叙為咸平尹兼本路兵馬都  
總管以甲仗四千付之許以便宜宗叙出松亭關取牛  
遞于廣寧聞世宗即位將歸之廣寧尹安塔哈弟雅爾  
堅勸宗叙乃還興中白彥敬赫舍哩志寧使宗叙奉表  
降乃見世宗於梁魚務授寧昌軍節度使明年二月契

丹攻寧昌宗叙止有女直渤海騎兵三十漢兵百二十人自將擊之遇賊千餘騎漢兵皆散走宗叙與女直渤海三十騎盡銳力戰身被二創所乘馬中箭而仆遂為所執居百餘日會賊中有臨潢民伊喇阿達等盜馬授之得脫歸宗叙陷賊久盡得其虛實見元帥完顏默音平章政事完顏元宜謂之曰賊衆烏合無紀律破之易爾於是帥府欲授軍職宗叙見默音貪鹵掠失事幾欲歸白上不肯受職曰我有機密須面奏是夕乃遁去至

廣寧矯取驛馬馳至京師而帥府先事以聞上遣中使詰之曰汝為節度不度衆寡戰敗被獲幸得脫歸乃拒帥府命輒自乘傳赴都朕姑置汝罪可速還軍併力破賊宗叙附奏曰臣非辭難者事須面奏不得不來遂召入乃條奏賊中虛實及諸軍進退不合事機狀詔大臣議皆以其言為然是時已詔布薩忠義代默音為元帥進討於是拜宗叙為兵部尚書以本職領左翼都統率宗寧烏雅扎拉烏凌阿喇實兵各千人號三萬佐忠義

軍至花道遇賊與戰右翼都統宗亨先敗走忠義亦引却宗叙勒本部遮擊之麾帳下士三百捨馬步戰賊不得逞大軍整列復至合勢擊之賊遂敗去而元帥右監軍赫舍哩志寧率軍至追及幹罕於陷泉大破之復與志寧及圖克坦克寧追至七渡河大敗之元帥忠義遂留宗叙自從賊平入為右宣徽使宋兵據海州將謀深入詔以宗叙為元帥右監軍往禦之宗叙駐山東分兵據守要害敵不得西尋奉詔與左副元帥赫舍哩志寧

參議軍事四年宗叙入朝奏曰暑月在近頓兵邊陲飛輓頗艱乞俟秋涼進發上從其請及還軍授以成算賜襲衣弓矢九月渡淮宗叙出唐鄧北至襄陽屢戰皆捷明年宋人請和軍還除河南路統軍使河決李固渡分流曹單之間詔遣都水監梁肅視河決宗叙言河道填淤不受水故有決溢之患今次河復故道卒難成功幸而可塞它日不免決溢山東非曹單比也沿河數州驟興大役人心動搖恐宋人乘間煽誘構為邊患梁肅亦

請聽兩河分流以殺水勢遂止不塞十年召至京師拜  
參知政事上曰卿奏黃河利害甚合朕意朕念百姓差  
調官吏為姦率斂星火所費倍蓰委積經年腐朽不可  
復用若此等類百孔千瘡百姓何以堪之卿參朝政擇  
利而行以副朕心及與上論南邊事宗叙曰南人遣謀  
來多得我事情我遣謀人多不得其實蓋彼以厚賞故  
也上曰彼以厚利資謀人徒費其財何能為也十一年  
奉詔巡邊六月至軍中將戰有疾詔以右丞相赫舍哩

志寧代宗叙還七月病甚遺表朝政得失及邊防利害  
力疾使其子上之薨年四十六上見其遺表傷悼不已  
輟朝遣宣徽使敬嗣暉致祭賻銀千兩綵四十端絹四  
百匹上謂宰臣曰宗叙勤勞國家他人不能及也初宗  
叙嘗請募貧民戍邊屯田給以廩粟既貧者無艱食之  
患而富家免更代之勞得專農業上善其言而未行也  
十七年上謂宰臣曰戍邊之卒歲冒寒暑往來番休以  
馬牛往戍往往皆死且奪其農時敗其生業朕甚閔之

朕欲使百姓安于田里而邊圉彊固卿等何術可以致此左丞相良弼曰邊地不堪耕種不能久戍所以番代耳上曰卿等以此急務為末事耶往歲參政宗叙嘗為朕言此事若宗叙可謂盡心於國者矣今以兩路招討司烏庫哩實壘部族臨潢泰州等路分置堡戍詳定以聞朕將親覽上追念宗叙聞其子孫家用不給詔賜錢三千貫明昌五年配享世宗廟廷



金史卷七十一

欽定四庫全書

金史卷七十二

元中書右丞相總裁托克托等修

列傳第十

羅索

和尼

默音

仲

本名實古納

哈里

尼楚赫

古雲

本名達蘭

馬奇

子烏色

巴爾斯

實古納

羅索字幹里延完顏部人年二十一代父布達為七水諸部長太祖克寧江州使羅索招諭係遼籍女直降伊騰伊罕路達哈藩卓勒等敗遼兵于布爾罕山復敗遼兵擒兩將軍既而伊克尼瑪蘭兩路皆降進兵咸州克之諸部相繼來降獲遼北女直係籍之戶遼都統耶律鄂爾多以二十餘萬衆來戍邊太祖趨達魯噶城次寧江州西召羅索羅索見上于軍中上見羅索馬多疲乏以三百給之使隸左翼宗翰軍與尼楚赫縱兵衝其中

堅凡九陷陣皆力戰而出復與尼楚赫戍邊及九百奚營等部來降則與尼楚赫攻黃龍府上使完顏瑋楚博勒和實古納以兵四千助之敗遼兵萬餘于白馬濼宗雄等下金山縣使羅索分兵二千招沿山逃散之人耶律聶喀軍蒞藜山烏楞古羅索等破之遂取顯州太祖取黃龍府羅索請曰黃龍一都會且僻遠苟有變則鄰郡相煽而起請以所部屯守太祖然之仍合諸路穆昆命羅索為萬戶守黃龍府進都統從杲取中京與希尹

等襲走達魯和尚伊勒希等敗奚王錫默降奚部西節  
度額哩埒遼主自駕鶩濼西走羅索等追至白水濼獲  
其內庫寶物羅索遂與棟摩攻破西京復與棟摩至天  
德雲內寧邊東勝其官吏皆降獲阿蘓夏人救遼兵次  
天德羅索使托紐布當以騎二百為候兵夏人敗之幾  
盡額圖琿復以二百騎往遇伏兵獨額圖琿脫歸時久  
雨諸將欲且休息羅索曰彼再破吾騎兵我若不復往  
彼將以我怯即來攻我矣乃選千騎與實實巴爾斯往

幹魯壯其言從之羅索遲明出陵野嶺留巴爾斯以兵  
二百據險守之獲生口問之其帥李良輔也將至野登  
高望之夏人恃衆而不整方濟水為陣乃使人報幹魯  
羅索分軍為二迭出迭入進退轉戰三十里過宜水幹  
魯軍亦至合擊敗之遼都統達實犯奉聖州壁龍門東  
二十五里羅索卓哩馬和尚等以兵取之生獲達實其  
衆遂降遼必埒哩守奉聖州棄城遯去後與宗望追遼  
帝羅索芬徹以二十騎候敵敗其軍三千人于三山有

千人將趨奉聖州芬徹復敗之擒其主帥而還夏人屯兵於哈屯館宗翰遣羅索戍朔州築城於霸德山西南二十里遂破朔州西山兵二萬擒其帥趙公直其後復襲遼帝于伊都谷獲之賜鐵券惟死罪乃笞之餘罪不問尼楚赫圍太原宋統制劉臻救太原率衆十萬出壽陽羅索擊破之繼敗宋兵數千於榆次宋張灝軍出汾州巴爾斯擊走之灝復營文水羅索及托克索巴爾斯與戰灝大敗宗翰定太原羅索取汾石二州及其屬縣

溫泉方山離石芬徹降壽陽取平定軍及樂平復招降  
遼州及榆社遼山和順諸縣宗翰趨汴州使羅索等自  
平陽道先趨河南曰若至澤州與色哩博勒和實實遇  
當與俱進實實之前軍薩木哈敗宋兵三千于襄垣遇  
伏兵二千又敗之薩喇達破天井關復破步兵於孔子  
廟南遂降河陽羅索軍至既渡河遂薄西京城中兵來  
拒戰實實逆擊敗之西京降羅索取偃師永安軍鞏縣  
降薩喇達敗宋兵於汜水於是滎陽滎澤鄭州中牟相



次皆降宗翰已與宗望會軍于汴使羅索率師趨陝津  
攻河東郡縣之未下者烏爾圖罕敗敵于河上桑阿敗  
敵于陝城下呼沙呼降虢州守陴卒三百人遂克陝府  
實古納桑袞破陝之散卒于平陸西北和尼別破敵於  
平陸羅索破蒲解之軍二萬盡覆之安邑解州皆降遂  
克河中府降絳慈隰石等州宗翰往洛陽使羅索取陝  
西敗宋將范致虛軍下同華二州克京兆府獲宋制置  
使傅亮遂克鳳翔阿林等破宋大兵於河中幹魯破宋

劉光烈軍於馮翊額特埒桑袞敗敵於渭水遂取下邽  
宗翰會宗輔伐康王命羅索芬徹專事陝西以博勒和  
勝額監戰勝額等遇敵於蒲城及同州皆破之羅索芬  
徹克丹州破臨真進克延安府遂降綏德軍及靜邊懷  
遠等城寨十六復破青澗城宋安撫使折可求以麟府  
豐三州及堡寨九降于羅索晉寧所部九寨皆降而晉  
寧軍久不下羅索欲去之色哩不可曰此與夏鄰且生  
他變城中無井日取河水以為飲乃決渠于東泄其水

城中遂困李位石乙啓郭門降諸將率兵入城守將徐徽言據子城戰三日衆潰徽言出奔獲之使之拜不聽臨之以兵不為動紮之軍中使先降者諭之使降徽言大罵與統制孫昂皆不屈乃并殺之遂降定安堡渭平寨及廊坊二州於是羅索博勒和守延安折可求屯綏德芬徹還守蒲州延安廊坊州皆殘破人民存者無幾羅索置官府輯安之別將鄂倫降建昌軍京兆府叛羅索復討平之遂與阿里布穆里延至三原額克沁阿古

擊淳化兵敗之羅索乃攻乾州已築甬道列礮具而州  
降遂進兵克邠州軍于京兆陝西城邑已降定者輒復  
叛於是睿宗以右副元帥總陝西征伐時羅索已有疾  
睿宗與張浚戰于富平宗弼左翼軍已却羅索以右翼  
力戰軍勢復振張浚軍遂敗睿宗曰力疾鏖戰以徇王  
事遂破巨敵雖古名將何以加也以所用犀玉金銀器  
及甲冑并馬七匹與之天會八年薨十三年贈泰寧軍  
節度使兼侍中加太子太師皇統元年贈開府儀同三

司追封莘王以正隆例改贈金源郡王配享太宗廟庭  
謚莊義子和尼默音實古納

和尼年十七從攻寧江州力戰創甚扶出陣間太祖憑  
高望見問之知是羅索子親撫慰賜藥歎曰此兒他日  
必為名將其攻濟州敗敵八千與敵遇于信州伊喇本  
陷于陣和尼力戰出之敵遂北敗耶律佛德等兵于潘  
州及宗翰以兵襲奚王錫默和尼以兵三百敗敵二千  
從攻伊實部敗之破其二營塔喇部族叛率二穆昆突

入大破之和尼常從羅索圍太原宋將种師中以兵十萬來援和尼擊敗之大軍至河無船不得渡羅索遣和尼循水上下和尼率軍三百自孟津而下度其可渡遂引軍以濟大軍於是皆繼之宋將郭京出兵數萬趨羅索營和尼從旁奮擊敵亂遂破之師還破敵於平陸渡得其船以濟又以兵破敵於張店原時屯留太平翼城皆有重敵並破之又分兵取陝西蒲州降留和尼鎮之攻鳳翔和尼先登睿宗定陝西和尼為都統進攻涇州

敗其兵王開山以兵拒歸路邀戰再擊再敗之遂降京兆鳳翔諸縣羅索薨襲哈濟明安代為黃龍府路萬戶天眷三年為元帥右都監遷左監軍元帥府罷改安化軍節度使歷京兆尹封廣平郡王以正隆例改封代國公進封隋國公諡貞濟卒年六十一

默音勇力過人善用長矛突戰天眷間充牌印祇候授顯武將軍擢符寶郎皇統四年其兄和尼襲濟州路萬戶以親管沃濟明安讓默音朝廷從之權濟州路萬戶

八年為元帥右都監天德三年為順天軍節度使歷河  
間臨潢尹數月改博索路兵馬都總管薩巴反默音往  
討之是時世宗為東京留守自將討瓜里還遇默音于  
常安縣盡以甲士付之世宗還東京完顏福壽高忠建  
率所部南征軍亡歸東京默音亦率其衆來附即以臣  
禮上謁遂殺高存福李彥隆等默音福壽忠建及諸將  
吏民勸進世宗即位拜右副元帥都統白彥敬副統赫  
舍哩志寧在北京拒不受命默音伐之遇其衆于建州



之境皆不肯戰。彥敬志寧遂降。二年正月，默音率諸軍討幹罕，會兵於濟州。合甲士萬三千人，過泰州至珠格崖，乃捨輜重，持數日糧，輕騎追之。是時幹罕新敗于泰州，將走濟州。默音兵至長灤南，獲其謀者，知敵將由別路邀糧，遂分軍往迎敵。吏吉勒扎來降，默音用其計。因夜亟往邀敵，輜重忽大風，不能燧火，路暗莫相辨。比曉，纔行三十餘里，將至敵營，將士少憩。默音率善射者數十騎往覘之，而都統志寧克寧等已敗敵衆二萬餘。

於長樂追殺甚衆敵遂西遁志寧軍先追及於霧霖河  
急擊敗之而默音貪鹵掠不復追以故敵得縱去遂涉  
懿州界陷靈山同昌惠和等縣窺取北京西攻三韓縣  
惟克寧軍追躡默音託馬弱引還懿州上聞之下詔切  
責默音以布薩忠義為右副元帥代之赫合哩志寧為  
右監軍代完顏福壽而默音子色克暴橫軍中詔勒歸  
本貫默音至京師以為同判太宗正事世宗責之曰朕  
以汝為將汝不追賊當正汝罪以汝父羅索有大功特

免汝死汝雖非宗室而授此職汝其勉之未幾率賓路  
軍士珠勒呼告色克寄書與默音謀反有司并上其書  
世宗察其誣詔鞠告者珠勒呼歎伏遂誅之召默音謂  
之曰人有告卿子為反謀者朕知卿必不為此今告者  
果自服罪宜悉此意初斡罕方熾上使溫特赫阿魯岱  
守古北口及斡罕敗于陷泉入于奚中率諸奚攻古北  
口阿魯岱因其妻生日輒離軍六十里賊衆聞之來襲  
殺傷士卒甚衆阿魯岱坐除名詔默音芬徹烏哩頁富

察通以兵三千會舊屯兵擊之擒賊黨明安和卓未幾  
幹罕平乃還七年出為北京留守上御便殿賜食及御  
服衣帶佩刀謂之曰以卿故老欲以均勞逸故授此職  
卿其勉之改東京留守封榮國公大定十一年薨年六  
十四默音性忠厚善擊毬射獵時論以為雖智略不及  
其父而勇敢肖之云

仲本名實古納體貌魁偉通女直契丹漢字其兄幹魯  
為統軍愛仲才欲使通吏事每視事常在左右遇事輒

問之應對如響幹魯嘆曰此子必為令器皇統初充護衛授世襲穆昆天德元年攝其兄和尼濟州萬戶部內稱治除濱州刺史以母憂去官起復知積石軍事轉同知河南尹正隆六年伐宋為神勇軍副都總管與大軍北還除同知大興尹將兵二千益遵化屯軍備契丹遷西南路招討使兼天德軍節度使政尚忠信決獄公平番部不敢寇邊召為左副都點檢宿衛嚴謹每事有規矩後來者守其法莫能易也世宗常謂侍臣曰實古納

入直朕寢益安五年宋人請和為姪國不稱臣仲為報  
問使仲請與宋主相見禮儀世宗曰宋主親起立接書  
則授之乃至宋一一如禮正隆用兵宋人執商州刺史  
完顏守能以歸至是仲取守能與俱還上嘉之轉都點  
檢兼侍衛親軍都指揮使遷河南路統軍使上曰卿在  
禁近小心畏慎河南控制江淮為國重地卿益勉之賜  
廐馬金帶玉吐鶻復有罪解職久之起為西北路招討  
使改北京留守卒

哈里羅索族子體貌豐偉善用稍羅索為黃龍府萬戶  
哈里從徙於舒吉鄂摩從羅索追及遼主於朔州阿敦  
山遼主從數十騎逸去羅索遣哈里及珠敦往見遼主  
諭之使降遼主已窮蹙待於阿敦山之東羅索因獲之  
賞哈里金五十兩銀五百兩幣帛二百匹綿三百兩睿  
宗經略陝西哈里戰却吳玠軍於涇邠之南尋遣修棧  
道宋人恐棧道成以兵來拒破其兵賞銀百五十兩奴  
婢十人天眷元年擢宿直將軍與定宗磐宗儁之亂再

遷廣威將軍除都水使者改西北路招討都監厯復州  
灤州刺史伊囉幹羣牧使塔喇部族節度使同知大興  
尹兼中都路兵馬都總管改武寧軍節度使廣寧尹卒  
年六十二

尼楚赫宗室子太祖嗣位使普嘉努如遼取阿蘇事久  
不決乃使實古納尼楚赫繼往當是時遼主荒于政上  
下解體尼楚赫等還具以遼政事人情告太祖且言遼  
國之狀太祖決意伐遼蓋自尼楚赫等發之太祖與耶



律鄂爾多戰于達魯噶城遼兵二十餘萬尼楚赫羅索率衆衝其中堅凡九陷陣軌戰而出大敗遼軍尼楚赫為穆昆遂與羅索成邊復與羅索琿楚博勒和實古納等攻黃龍府敗遼兵萬餘于白馬濼太祖拒遼尼楚赫守達魯噶城收國二年分雅達納阿拉所遷穆昆二千戶以尼楚赫為穆昆屯寧江州遼大冊使實訥埒遣回約以七月半至而盡九月實訥埒未來上使諸軍過江屯駐遼伊喇滿達十三人兵士八人縱火於渾河以絕

芻牧尼楚赫獲之乃知遼邊吏伊蘇使之太祖命釋之  
從都統果克中京尼楚赫與實古納芬徹哈布爾率兵  
三千擊奚王錫默于京西七十里錫默棄兵趣遼主西  
奔天德尼楚赫以兵絕其後遼主遂見獲後從宗翰伐  
宋圍太原宗翰進兵澤州及宗翰還西京太原因未下  
皆命尼楚赫留兵圍之招討都監馬武破宋兵於文水  
節度使耿守忠等敗宋黃迪兵於西都谷所殺不可勝  
計宋樊夔施說高豐等軍來救太原分兵據近部尼楚

赫與實實博囉烏蘇大破之索羅希破宋兵於太谷宋兵據太谷祁縣阿古喇巴爾斯復取之种師中出井陘據榆次救太原尼楚赫使鄂倫擊之破其軍和尼斬師中於殺熊嶺進攻宋制置使姚古軍于隆州谷大敗之薩喇圖敗宋軍於回馬口郭企忠殲宋軍於五臺及宗翰定太原與宗望會兵于汴尼楚赫等攻汴城克之師還尼楚赫降岢嵐寧化等軍攻嵐州拔之招降火山軍與希尹同賜鐵券宗翰趨洛陽色哩取汝州尼楚赫取

鄧州殺其將李操等蘇瑪拉入襄陽巴爾斯入均州馬  
武取房州擒轉運使劉吉鄧州通判王彬巴爾斯破唐  
蔡陳三州克潁昌沙瑋額哲別克舊潁昌宗翰會伐康  
王尼楚赫守太原天會十年為燕京留守天會十三年  
致仕加保大軍節度使同中書門下平章事遷中書令  
封蜀王天眷三年薨年六十八以正隆例贈金源郡王  
配饗太宗廟庭大定十五年諡武襄改配享太祖廟庭  
子古雲

古雲本名達蘭幼警敏有志膽初邕角太祖見而奇之  
年十六父尼楚赫授以甲使從伐遼常為先鋒授世襲  
穆昆宗翰自太原還西京尼楚赫圍守之古雲在行間  
屢有功宋兵數萬救太原至南關尼楚赫與弟巴爾斯  
完顏羅索等擊之當隘巷間一卒揮刀向巴爾斯古雲  
以刀斷其腕一卒復從旁以槍刺之古雲斷其槍追殺  
之拔太原下河東諸州攻汴京皆有功與都統馬武徇  
地漢上至上蔡以先鋒破孔家軍睿宗攻開州古雲先

登流矢中其口睿宗親視之創未愈強起之攻大名府  
第功宗弼第一古雲次之攻東平古雲居最巴爾斯襲  
宋康王于揚州古雲為先鋒巴爾斯追宋孟后於江南  
古雲前行趨潭州宋大兵在常武古雲以選兵薄其城  
敗千餘人明日城中出兵來戰古雲以五百騎敗之獲  
馬二百匹遂攻常武巴爾斯以諸軍為大陣居其後古  
雲以五百騎為小陣當前行即麾兵馳宋軍宋軍亂遂  
大敗之巴爾斯觀其周旋嘆賞之其後河東郡縣多叛

古雲以先鋒攻絳州克之復攻沁州飛礮擊其右脅昇  
歸營中諸軍攻沁州三日不能下別將固納強起古雲  
指麾士卒遂克之攝河東路都統從左監軍伊喇伊都  
招西北諸部古雲將騎三千五百平其九部獲生口三  
千馬牛羊十五萬以先鋒破宋吳山軍再戰再勝遂劔  
宋兵于隘死者不可勝計宋兵遽去宗弼再取和尚原  
古雲以本部破宋五萬人遂奪新又口宗弼留兵守之  
是夜大雪道路皆冰和尚原宋兵勢重不可徑取宗弼

用古雲策入自傍近高山叢薄醫薈間出其不意遂取和尚原古雲請速入大散關自以本部為殿以備伏兵宗弼至仙人關古雲先攻之宗弼止之古雲不止宗弼以刀背擊其兜鍪使之退古雲曰敵氣已沮不乘此而取之後必悔之已而果然宗弼嘆曰既往不咎乃班師古雲殿且戰且却遂達秦中齊國初廢元帥右監軍薩里罕馳驛撫治諸郡至同州故齊觀察使李世輔出迎陽墜馬稱折臂昇歸薩里罕入城世輔詐使通判獻甲



以壯士十人被甲上廳事世輔自壁後突出執薩里罕古雲方索馬于外變起倉卒不得入城門已閉皆有兵衛至東門合荅雅領騎三十餘與古雲遇遂斬門者出而世輔擁衆自西門出古雲因與合荅雅襲之一進一退以綴世輔使不得速世輔慮救兵至乃要薩里罕與之盟勿使追之留撒离喝於道側古雲識其聲與騎而歸除安遠大將軍攝太原尹四境咸治兼攝河東南北兩路兵馬都總管朝廷以河南陝西與宋已而復取之師

至耀州宋人每旦出城張旗閱隊抵暮而還道隘騎不  
得逞古雲請兵五百薄暮先使五十人趨山巔令之曰  
旦日視敵出舉幟指其所向乃以餘兵伏山谷間明日  
城中人出閱如前山巔旗舉伏兵發宋兵爭馳入城古  
雲麾軍登城拔宋幟立金軍旗幟宋軍後者望見之不  
敢入遂降城中人亦降宋吳玠擁重兵據涇州涇原以  
西多應之元帥薩里罕欲退守京兆俟河南河東軍古  
雲曰我退守吳玠必取鳳翔京兆同華據潼關吾屬無

類矣薩里罕曰計將安出古雲曰事危矣不如速戰我軍陣涇之南原宋兵必自西原來古雲與錫卜察各以選騎五百擁其兩翼元帥當其中擊之可以得志監軍巴爾斯曰二子當其左右巴爾斯願當其中元帥據岡阜多張旗幟為疑兵可以得志薩里罕從之吳玠兵果自西原來古雲錫卜察擊其左右自旦至午吳玠左右軍少退巴爾斯當其前衝擊之遂敗玠軍僵尸枕藉大澗皆滿自此蜀人喪氣不敢復出關陝遂定歷行臺吏

部工部侍郎從宗弼巡邊遷刑部尚書轉元帥左都副  
天德二年遷右監軍元帥府罷改山西路統軍使領西  
北西南兩路招討兵馬坐無功降臨海軍節度使歷平  
陽太原尹正隆末為中都留守兼西北面都統討契丹  
薩巴駐軍歸化州世宗即位於遼陽使古雲姪阿爾法  
持詔往命古雲為左副元帥就遣使召陝西統軍圖古  
坦喀齊喀宣大定改元詔赦于西南西北招討司河東  
河北山東諸路州鎮調明安軍屯京畿阿爾法見古雲

古雲猶豫未決士卒皆欲歸世宗古雲不得已乃受詔以元帥令下諸路亟泥馬槽二萬具諸路聞之以為大軍且至然後遣人宣赦所至皆聽命大定元年十一月古雲以軍至中都同知留守璋請至府議事古雲疑璋有謀乃陽許諾排節仗若將往者遂率騎從出施仁門駐兵通州見世宗于三河詔古雲以便宜規措河南陝西山東邊事二年正月至南京遂復汝潁嵩等州縣授世襲明安入拜平章政事罷為東京留守未行改濟南

尹初古雲宿將恃功在南京頗黷貨不恤軍民詔使問以邊事古雲不答謂詔使曰爾解何事待我到闕奏陳及召入竟無一語及邊事者在相位多自專已所欲輒自奏行之除留守輒忿忿不接賓客雖近臣往亦不見上怒遂改濟南上數之曰朕念卿父有大功于國卿舊將亦有功故改授此職卿宜知之若復不悛非但不保官爵身亦不能保也古雲頓首謝久之改平陽尹致仕起為西京留守以母憂去官尋以本官起復俄復為東

京厯上京詔曰上京王業所起風俗日趨詭薄宗室聚居號為難治卿元老大臣衆所聽服當正風俗檢制宗室持以大體十五年致仕久之史臣上太宗睿宗實錄上曰當時舊人親見者惟古雲在詔修撰溫特赫提克德往北京就問之多所更定焉十九年薨年七十四最前後以功被賞者十有一金為兩二百五十銀為兩六千五百絹為匹八百綿為兩二千馬三百十有四牛羊六千五百奴婢百三十人

瑪奇尼楚赫之母弟也年十五隸軍中從破高麗兵下  
寧江州平係遼女直克黃龍府皆身先力戰以功為總  
昆繼領明安破奚兵千餘自烏楞古攻下威信瀋州及  
東京諸城瑪奇皆有功都統果取中京與素赫和碩台  
別降綽里特部屯兵高州以兵援蒙克貝勒大破敵丘  
復敗恩州兵五萬人討平遼人聚中京山谷者降三千  
餘人戰于高州境上伏矢射之中目遂卒瑪奇大小二  
十餘戰所至皆捷皇統中贈銀青光祿大夫諡毅敏子



烏色

烏色年十七隸軍中從巴爾斯擊遼將馬武敗之瑪竇  
死領其職宗望伐宋至河上宋兵屯于河外以二舟來  
伺我師乃遣烏色率勇士數輩以一舟往迎之盡俘以  
還襲康王於江淮間烏色皆與焉師還駐東平及廢  
屯兵河上招降旁近諸營多獲畜產兵仗軍帥嘉之嘗  
以甲馬從攻陝西為右翼都統攻城破敵皆與有功  
還正授穆昆遷華州防禦使屬關中歲饑盜賊充斥

色募兵討平之部以無事郡人列狀丐留不報俄遷德  
喀勒部族節度使改塔喇部用廉入為都水使者秩滿  
同知燕京留守事為西北路招討使薩巴秩滿已數月  
冒其俸祿不即解去烏色發其事薩巴反烏色遇害

巴爾斯尼楚赫弟天輔六年宗翰在北安州將會舍音  
于奚王嶺遼兵奄至古北口使博勒和琿楚各領兵二  
百擊之琿楚請濟師宗翰欲自往希尹羅索曰此易與  
耳請以千人為公破之琿楚以騎士三十人前行至古

北口遇其遊兵遂入山谷遼人以步騎萬餘追戰亡騎  
五人瑄楚退據關口希尹羅索至巴爾斯烏木罕呼實  
罕推鋒奮擊大破之斬馘甚衆盡獲甲冑輜重希尹與  
薩拉噶圖費摩托紐敗其伏兵殺千餘人獲馬百餘匹  
羅索拒夏人出陵野嶺留巴爾斯以兵二百據險守之  
尼楚赫圍太原近縣先已降宋軍來救太原者復據太  
谷祁縣巴爾斯阿古喇復取之宋姚古軍隆州谷巴爾  
斯敗之張灝兵出汾州又擊走之天會四年克太原巴

爾斯為管勾太原府路兵馬事復與羅索敗宋兵于文  
水遂從宗翰圍汴與尼楚赫略地襄鄧入均州還攻唐  
蔡陳三州皆破之克潁昌府遂與托雲馬武襲宋康王  
于揚州康王渡江入于建康天會十五年遷元帥左都  
監宗弼再定河南薩里罕經略陝西至涇州巴爾斯大  
破宋軍于渭州渭州德順軍皆降陝西平遷元帥左監  
軍加金吾衛上將軍卒諡敏定

實古納亦書作實古迺嘗與尼楚赫俱往遼國取阿蘇

還言遼人可取之狀太祖始決意伐遼矣博勒和取居庸關蕭妃自古北口出奔太祖使實古納追之不及後為臨潢府軍帥討平塔喇其羣官率衆降者請使就領諸部太宗賜以空名宣頭及銀牌使以便宜授之獲遼許王索囉駙馬都尉蕭伊遜遼梁王在哈里水雅里自立不知果在何處至是始知之於是徙遼降人於泰州時暑未可徙實古納請姑處之嶺西及實古納築新城於契丹珠敦城詔置會平州烏庫哩部人迪里華沙率

部族降朝廷以托卜嘉為本部節度使烏琿為都監實古納封還托卜嘉等宣誥以便宜加托卜嘉散官填充名告身授之及錄上降附有勞故官八百九十三人朝廷從之於是迪里加防禦使為本部節度華沙加諸司使為節度副使知達魯特部事達勒達加左金吾衛上將軍節度副使知圖吉部事阿實克加觀察使為本部節度其餘遷授有差以巴噶城之地分賜烏庫哩達魯特二部及契丹人其未墾者聽任力占射久之領咸州

烟火事天輔六年完顏慎思所部及其餘未置明安穆  
昆戶口命實古納通閱具籍以上天會十年改南京路  
軍帥司為東南路都統司實古納為都統移治東京鎮  
高麗

贊曰金啓疆土幹魯烏楞古方面功最先著博勒和羅  
索最先封泰州之邊圉黃龍之衝要寄亦重矣若棟摩  
之勤勞南路羅索之經營陝西尼楚赫之圍守太原勞  
亦至矣烏楞古之不治棟摩之敗譴罰之亟諸將惴焉

夫能以弱小終制彊大其效驗與尼楚赫實古納觀人之國而知其可伐古語云國有八觀善矣夫





金史卷七十二

欽定四庫全書

史部

金史卷七十三至五

詳校官國子監祭酒臣覺羅喜

內閣中書臣李彤履勘

總校官舉人臣章維桓

校對官編修臣顧崇澍

謄錄監生臣劉雲瑞

欽定四庫全書

金史卷七十五

元中書右丞相總裁托克托等修

列傳第十一

阿里罕

晏

本名郭倫

宗尹

本名阿里罕

宗寧

本名阿剌古

宗道

本名巴克實

宗雄

本名摩羅

阿林

安塔哈

希尹

本名古紳

守貞

本名蘇貞

守能

本名呼喇

阿里罕景祖第八子也健捷善戰年十八拉必瑪察起兵據穆稜水叛烏春烏木罕以古哩甸兵助之世祖擒拉必穆稜水人尚反側不自安使阿里罕往撫察之與薩布合兵攻烏木罕烏春已死烏木罕遂棄城逃去後從薩哈討平埒克阿里罕功居多太祖擒蕭哈里使阿里罕獻馘于遼太祖謀伐遼阿里罕實贊成之及從征阿里罕在行間屢戰有功及太宗等勸進太祖未之許也阿里罕普嘉努宗翰等皆曰今大功已集若不

以時建號無以繫天下人心太祖曰吾將思之收國元年  
太祖即位阿里罕與宗翰以耕具九器為獻祝曰使陛下  
毋忘稼穡之艱難太祖敬而受之頃之為古倫英寶貝  
勃為人聰敏辨給凡有所聞見則終身不忘始未有文  
字祖宗族屬時事並能默記以與色克同修本朝牒見  
人舊未嘗識聞其父祖名即能道其部族世次所出或  
積年舊事偶因他及之人或遺忘輒一一辨析言之有  
質疑者皆釋其意義世祖嘗稱其強記人不可及也天

輔三年寢疾宗翰日往問之盡得祖宗舊俗法度疾病  
上幸其家問疾問以國家事對曰馬者甲兵之用今四  
方未平而國俗多以良馬殉葬可禁止之乃獻平生所  
乘戰馬及以馬獻太宗使其子富爾丹代為奏奏有誤  
語即哂之宗翰從旁為改定進奏訖薨年四十九歲上  
聞阿里罕臨薨有奏事曰臨終不亂念及國家事真賢  
臣也哭之慟及葬上親臨熙宗時追封隋國王天德中  
改贈開府儀同三司隋國公大定間配饗太祖廟廷謚

曰剛憲子賽音鄂倫賽音子宗尹

晏本名鄂倫景祖之孫阿里罕次子也明敏多謀畧通契丹字天會初烏達噶叛太宗幸北京以晏有籌畫策名問稱旨乃命督扈從諸軍往討之至混同江諭將士曰今叛衆依山谷地勢險阻林木深密吾騎卒不得成列未可以歲月破也乃具舟楫艤江令諸軍據高山連木為柵多張旗幟示以持久計聲言俟大軍畢集而發乃潛以舟師浮江而下直搏其營遂大破之據險之衆

不戰而潰月餘一境皆定師還授左監門衛上將軍為  
廣寧尹入為吏禮兩部尚書皇統元年為北京留守改  
咸平尹徙東京天德初封葛王入拜同判大宗正事進  
封宋王授世襲明安海陵遷都晏留守上京授金牌一  
銀牌二累封豫王許王又改越王貞元初進封齊時近  
郊禁圍獵特畀晏三百人從獵在上京凡五年正隆二  
年例削王爵改西京留守未幾為臨潢尹遂致仕還居  
會寧海陵南伐世宗為東京留守將士皆自淮南來歸



晏之子伊呀訥亦自將軍率衆來歸世宗白彥敬等在北京聞伊呀訥等逃還使會寧同知高國勝拘晏家族上既即位遣使召晏既又遣晏兄子呼拉布馳驛促之晏遂率宗室數人入見即拜左丞相封廣平郡王宴勞彌日未幾兼都元帥太宗二年正月上如山陵禮畢上將獵有司已夙備晏諫曰邊事未寧畋遊非所宜也上嘉納之因為晏等曰古者帝王虛心受諫朕常慕之卿等盡言無隱追拜太尉復致位還鄉里是歲薨詔有司

致祭賻贈銀幣甚厚

宗尹本名阿里罕以宗室子充護衛改牌印祇候授世襲穆昆為右衛將軍歷順天歸德彰化唐古部族橫海軍節度使正隆南伐領神畧軍都總管先鋒渡淮取揚州及瓜洲渡大定二年河南路副都統駐軍諸州之境是時宋陷汝州殺刺史烏克遜滿丕及漢軍二千人宗尹遣萬戶富珠哩定方完顏呵呼喇瓜爾佳清臣烏庫哩薩哈克楚額哲將騎四千往攻之遂復汝州除大

名尹副統如故頃之為河南統軍使遷元帥左都監  
除南京留守上曰卿年少壯而心力多滯前任點檢京  
尹勤力不忘而處事迷錯勉修職業以副朕意賜通犀  
帶廐馬八年置山東路統軍司宗尹為使遷樞密副使  
錄其父功授世襲扶餘路屯河明安并親管穆昆除太  
子太保樞密副使如故上問宰臣曰宗尹雖才無大過  
人者而性行惇厚且國之舊臣昔為達官卿等尚未信  
也朕欲以為平章政事何如宰執皆曰宗尹為相甚協

衆望即日拜平章政事封代國公兼太子太傅當時民間苦錢幣不通上問宗尹對曰錢者有限之物積于上者滯于下所以不通海陵軍興為一切之賦有菜園房稅養馬錢大定初軍事未息調度不繼故因仍不改今天下無事府庫充積悉宜罷去上曰卿留意百姓朕復何慮太尉守道老矣舍卿而誰于是養馬等錢始罷他日上謂宰臣曰宗尹治家嚴密他人不及也顧謂宗尹曰政事亦當如此矣有頃北方歲饑軍食不足廷議輸

粟賑濟或謂此雖不登而舊積有餘秋成在近不必更  
勞輸輓宗尹曰國家平時積粟本以備凶歲也必待秋  
成則億者衆矣人有損瘠其如防戍何上從之宗尹乞  
令子尼楚赫襲其明安會太尉守道亦乞令其子神果  
努襲其穆昆凡承襲人不識女直字者勒令習學世宗  
曰此二子吾識其一襲漢字未習女直字自今女直契  
丹漢字會學其一者即許承襲遂著于令宗尹有疾不  
能赴朝上問宰臣曰宗尹何為不入朝太尉守道以疾

對上曰丞相志寧嘗言若詔遣征伐所不敢辭宰相之職實不敢當宗尹亦豈此意耶二十四年世宗將幸上京上曰臨潢烏庫哩實壘歲皆不登朕欲自南道往三月過東京謁太后陵寢五月可達上京春月烏獸孳孕東作方興不必蒐田講事卿等以為何如宗尹曰南道歲熟芻粟賤宜如聖旨遂由南道往焉世宗至上京聞同簽太宗正事宗寧不能撫治上京宗室宗室子往往不事生業上謂宗尹曰汝察其事宜懲戒之宗尹奏曰

隨仕之子父沒不還本土以此多好游蕩上命名還宴  
宗室于皇武殿擊毬為樂上曰賞賜宗室亦是小惠又  
不可一概遷官欲令諸局分收補其間人材孰可者宗  
尹對曰奉國威準之子按春豫國公昱之曾孫阿嚕皆  
可任使上曰度可任以何職更訪其餘以聞詔以按春  
阿嚕為奉御二十七年乞致仕世宗曰此老不事事從  
其請可也宰臣奏曰舊臣宜在左右上曰宰相總天下  
事非養老之地若不堪其職朕亦有愧焉如賢者在朝

利及百姓四方瞻仰朕亦與其光美宰臣無以對宗尹  
入謝上曰卿久任外官不聞有過失但恨用卿稍晚今  
精力似衰矣省事至煩若勉強留卿則四方以朕為私卿  
亦不自安也頃之上問宗尹子汝父致仕將居何所其  
子曰聚屬既多不能復在京師上遣使問宗尹曰朕欲  
留卿時相從遊卿子之言如此今定何如宗尹曰臣豈  
不欲在此但餘閒之年猶在輦下恐聖主心困耳既哀  
老臣不忍擅棄時時得瞻望天顏臣豈敢他往鄉里故



老無存者雖到彼尚將與誰游乎于是賜甲第一區凡宴集畋獵皆從焉二十八年薨

宗寧本名阿多古系出景祖太尉阿里罕之孫也性勤厚有大志起家為海陵征南都統戰瓜洲渡功最歷祁州刺史大定二年為會寧府路押軍萬戶擢歸德軍節度使時方旱蝗宗寧督民捕之得死蝗一斗給粟一斗數日捕絕移鎮寧昌軍改知臨潢府軍移天德軍世宗嘗為宰臣曰宗寧志慮雖淺然所至人皆愛之即命為

行軍右翼都統為賀宋正旦使累遷兵部尚書授隆州  
路和屯明安羅里茂世襲穆昆出知大名府事徙鎮利  
涉軍俄同簽大睦親府事宗寧多病世宗欲以涼地處  
之俾知咸平詔以其子符實郎畝為韓州刺史以便養  
無幾入授同判大睦親府事拜平章政事明昌二年薨  
宗寧居家約儉如寒素臨事明敏其鎮臨潢鄰國有警  
宗寧聞知乏糧即出倉粟令以牛易之敵如得粟即遁  
去邊人以韓罕亂後苦無牛宗寧復令民入粟易牛既

而民得牛而倉粟倍於舊其經畫如此

宗道本名巴克實上京司屬司人系出景祖太尉鄂倫  
少子也通周易孟子善騎射大定五年充閣門祇候累  
除近侍局使右丞相烏庫哩元忠左將軍布薩揆等嘗  
燕集有所竊議宗道即密以聞世宗嘉之授右衛將軍  
出為西南路副招討章宗即位改同知平陽府事陝西  
路副統軍左宣徽使伊喇仲方舉以自代除西北路招  
討使故事諸部駕馬八百餘匹宗道辭不受諸部悅服

邊鄙順治提刑司察廉名為殿前右副都點檢尋除陝西路統軍使以鎮靜得軍民心特遷三階兼知京兆府事時夏旱俾長安令取太白湫水步迎於遠郊及城而雨是歲大稔人以為精意所感刊石紀之承安二年為賀宋正旦使尋授河南路統軍使泗州民張偉獲宋人王萬言彼界事情宗道疑其寃乃廉問得實萬楚州賈人偉負萬貨五千餘貫三年不償萬理索為偉所誣乃坐偉而歸萬時人服其明後乞致仕朝廷知非本心改

知河中府有惠政民立像於層觀以時祭之移知臨兆以病解泰和四年卒贈龍虎衛上將軍

宗雄本名摩囉歡康宗長子其始生也世祖見而異之曰此兒風骨非常他日必為國器因解佩刀使常置其側曰俟其成人則使佩之九歲能射逸兔年十一射中奔鹿世祖坐之膝上曰兒幼已然異日出倫輩矣以銀酒器賜之既長風表奇偉善談辯多智略孝敬謙謹人愛敬之康宗沒遼使阿息保來乘馬至靈帷階下擇取

賄贈之馬太祖怒欲殺阿息保宗雄諫太祖乃止太祖  
將舉兵宗雄曰遼主驕侈又不知兵可取也不能擒一  
蕭哈里而我兵擒之太祖善其言攻寧江州渤海兵銳  
甚宗雄以所部敗渤海兵以功授世襲千戶穆昆太祖  
敗遼兵于珠赫店宗雄摧峯力戰功多達嚕噶城之役  
宗雄將右軍身先士卒戰遼兵當右軍者已却上命宗  
雄助左軍擊遼兵宗雄繞遼兵後擊之遼兵遂大潰乘  
勝逐北日已暮圍之黎明遼兵突圍出追殺至頁嚕伯

奇而還上撫其背曰朕有此子何事不濟以御服賜之  
及遼帝以七十萬衆至圍們諸將皆曰遼軍勢甚盛不  
宜速戰宗雄曰不然遼兵雖衆而皆庸將士卒惴惴不  
足畏也戰則破之掌握間耳上曰善追及遼帝于呼岱  
巴岡宗雄率衆直前短兵接宗雄令前行持挺擊遼丘  
馬首後行者射之大敗遼兵上嘉宗雄功執其手勞之  
以御介冑及御戰馬寶貨奴婢賜之舍音攻春州宗雄  
與宗幹羅索取金山縣行近白鷹林獲候者七人縱其

一人使歸縣人聞大軍至迺潰遂下金山縣與舍音俱  
取秦州太祖自將取臨潢府遣宗雄先啓行遇遼兵五  
千宗雄與戰大軍亦至大破之及留守托卜嘉降上以  
其女與宗雄賞其啓行破遼援兵之功也既而與普嘉  
努按視秦州地土宗雄包其土來奏曰其土如此可種  
植也上從之由是徙萬餘家屯田秦州以宗雄等言其  
地可種藝也西京既降復叛時糧餉垂盡議欲罷攻宗  
雄曰西京都會也若委而去之則降者離心遠之餘當



與夏人得以窺伺矣乃立重賞以激士心既而夜中有  
火大如斗墜于城中宗雄曰此城破之象也及克西京  
賜宗雄黃金百兩衣十襲及奴婢等與宗翰等擊耿守  
忠兵七千于西京之東四十里大破之迎謁太祖于鴛  
鴦灤從至歸化州疾篤宗翰問所欲言宗雄曰國家大  
業既成主上壽考萬年肅清四方死且無恨天輔六年  
薨年四十太祖來問疾不及見哭之慟謂羣臣曰此子  
謀略過人臨陣勇決少見其比賻贈加等詔哈濟千戶

駙馬實嘉努護喪歸葬於歸化州仍於死所建佛寺宗  
雄好學嗜書嘗從上獵誤中流矢而神色不變恐上知  
之而罪及射者既拔去其矢託疾歸家臥兩月因學契  
丹大小字畫通之凡金國初建立法定制皆與宗幹建  
白行焉及與遼議和書詔契丹漢字宗雄與宗翰希尹  
主其事而材武矯捷挽強射遠幾二百步嘗走馬射三  
麋已中其二復彎弓馬蹶躍而下控弦如故遂毅滿步  
射獲之宗雄方遂免達蘭亦從後射之已發矢達蘭大

呼曰矢及矣宗雄反顧以手接其矢就射兔中之其輕  
健如此天眷中追封太師齊國公天德二年加秦漢國  
王正隆二年改太傅金源郡王大定二年追封楚王謚  
威敏配享太祖廟廷十五年圖像于衍慶宮子富勒呼  
安塔哈阿林孫常春呼喇勒呼喇呼嚕斂珍帕克巴思  
楚初宗幹納宗雄妻海陵銜之及篡位使宿直將軍晁  
霞牌印閭山往河間囚宗雄妻於府署明日與其子婦  
及常春兄弟徹珍之子七人皆殺而焚之棄其骨於濠

水大定十七年詔有司收糞初富勒呼襲明安富勒呼卒贈金紫光祿大夫子和勒端襲之官至金吾衛上將軍和勒端卒子雲聞未襲而死章宗命宗雄孫富德襲之富德大定末累官同簽大睦親府事章宗即位初置九路提刑司富德為北京臨潢提刑使詔曰朕初即位憂勞萬民每念刑獄未平農桑未勉吏或不循法度以隳吾治朝廷遣使廉問事難周悉惟提刑勸農采訪之官自古有之今分九路專設是職爾其盡心往懋乃事自熙

宗時遣使廉問吏治得失世宗即位凡數歲輒一遣黜陟之故大定之間郡縣皆奉法百姓滋滋殖號為小康或謂廉問使者頗以愛憎立殿最以問宰相宰相曰臣等復為陛下察之是以世宗嘗欲立提刑司而未果章宗追述先朝遂于即位之初行之及九路提刑使朝辭于慶和殿上曰建立官制當寬猛得中凡軍民事相涉者均平決遣鈐求家人部曲勿使沮擾郡縣事今以司獄隸提刑司惟冀獄犴無冤耳既退復遣近臣諭之曰

卿等皆妙簡才良付以專責盡心舉職別有旌賞否則有罰明年富德乃襲明安云

阿林穎悟辯敏通女直契丹大小字及漢字幼時嘗入宮熙宗見而奇之曰是兒他日必能宣力國家年十八授定遠大將軍為順天軍節度使天德二年用廉遷益都尹兼山東路兵馬都總管歷泰寧定海鎮西安國等軍節度海陵南伐以為神勇武平等軍都總管由壽州道渡淮與勸農使伊喇元宜合兵三萬為先鋒是歲

十月至廬州與宋將王權軍十餘萬戰于柘臯鎮蔚  
橋敗之至和州南復與王權軍八萬餘會戰又敗之泊  
敘至江上斬首數千級上即位于遼陽海陵死大軍  
還將渡淮而舟楫甚少軍士爭舟不得至渡阿林得  
口知可涉處識以柳枝命本部涉濟既至北岸而諸軍  
之爭渡者果為宋人邀擊之及入見上聞阿林淮上戰  
又又以全軍還遷兵部尚書監督經畫征斡罕諸軍  
餉授以金牌一銀牌四斡罕敗還至懿州以疾卒喪至

京師上命致祭于永安寺百官赴弔賻銀五百兩重綵三十端絹百匹

安塔哈又名鄂勒歡宗雄次子也性端重不輕發有父之風年十五太祖賜以一品傘二十餘御毬場分朋擊毬連勝三算宗工舊老咸異之進呈所勝禮物安塔哈為班首太宗喜曰今日之勝此孫之力也賞之獨厚天眷二年襲父明安除大宗正丞以明安讓兄子和勒誥加武定軍節度使奉朝請改侍衛親軍都指揮使封余



源邵王進譚王遷同判太宗正事別授世襲明安海陵  
將遷中都安塔哈諫曰棄祖宗興王之地而他徙非義  
也海陵不悅留之上京久之進封鄆王改封魏王除濟  
南尹安塔哈不堪卑濕多在病告海陵聞之改西京留  
守正隆例奪王爵改廣寧尹世宗即位于東京赦令至  
廣寧弟雅爾堅勸安塔哈拒弗受安塔哈受之會海陵  
遣使至安塔哈登城告使者曰此府迫近遼陽勢不能  
抗聊且從命非得已也雅爾堅亦登譙樓與使者語指

斥不遜及諸郡皆詣東京安塔哈兄弟亦上謁有司議  
既拜赦令復有異言持兩端請併誅之上曰正隆剪刈  
宗室朕不可效尤安塔哈為弟所惑耳乃釋安塔哈而  
誅雅爾堅不數日復判大宋正事再遷太子太保封蘭  
陵郡王改勸農使海陵時自上京徙河間土瘠詔安塔  
哈一族二十五家從便遷居近地乃徙平州詔給平州  
官田三百頃屋三百間宗州官田一百頃進金源郡王  
致仕大定八年召見上曰宗室耆老如卿者能幾人邪

賜錢萬貫甲第一區留京師使預巡幸毬獵宴會十四  
年薨年六十七臨終戒諸子曰汝輩勿以生富貴中而  
為暴戾宜自謙退海陵以猜忌剪滅宗室我以純謹得  
免死耳汝輩惟日為善勿墜吾家

完顏希尹本名古新罕都之子也自太祖舉兵常行  
陣或從太祖或從薩哈或與諸將征伐比有功金人初  
無文字國勢日強與鄰國交好迺用契丹字太祖命希  
尹撰本國字備制度希尹乃依倣漢人楷字因契丹字

制度合本國語製女直字天輔三年八月字書成太祖  
大悅命頒行之賜希尹馬一匹衣一襲其後熙宗亦製  
女直字與希尹所製字俱行用希尹所撰為女直大字  
熙宗所撰為小字遼人達魯和尚伊勒希棄中京走希  
尹與都古嚕訥羅索伊都襲之達魯等聞希尹兵至復  
走遂走其旁近人民而還奚人羅和來降希尹使羅和  
招其父西節度使額哩將額哩將以本部降宗翰駐軍  
北安使希尹經略近地獲遼護衛耶律實訥將知遼主

獵于鴛鴦澤宗翰遂請進兵宗翰將會都統杲于奚王  
嶺遼兵屯古北口使博勒和將兵二百擊之瑄楚亦將  
二百人為後援瑄楚聞遼兵衆請益兵宗翰欲親往希  
尹羅索曰此小寇請以千兵為公破之瑄楚至古北口  
遇遼遊兵逐之入谷中遼步騎萬餘追戰死者數人瑄  
楚據關口希尹等至大破遼兵斬馘甚衆盡獲甲冑輜  
重復敗其伏兵殺千餘人獲馬百餘匹遂與宗翰至奚  
王嶺期會於羊城澤宗翰襲遼帝于五院司希尹為前

驅所將纔八騎與遼主戰一日三敗之明日希尹得降人瑪展言遼主在漠委輜重將奔西京幾及遼主于白水灤南遼主以輕騎遁去盡獲其內庫寶物遂至西京西京降使芬徹守之希尹至伊實部不及遼主而還及宗翰入朝希尹權西南西北兩路都統是時夏人已受盟遼主已獲耶律達實自立而夏國與羅索書責諸帥棄盟軍入其境多掠取者希尹上其書且奏曰聞夏使人約達實取山西諸郡以臣觀之夏盟不可信也上曰

夏事酌宜行之軍入其境不知信與否也達實合謀不可不察其嚴備之及大舉伐宋希尹為元帥右監軍再伐宋執二主以歸師還賜希尹鐵券除常赦不原之罪餘釋不問宗翰伐康王希尹追之于揚州康王遂去後與宗翰俱朝京師請立熙宗為儲嗣太宗遂以熙宗為安班貝勒及熙宗即位希尹為尚書左丞相兼侍中加開府儀同三司希尹為相有大政皆身先執咎天眷元年乞致仕不許罷為興中尹二年復為左丞相兼侍中

俄封陳王與宗幹共誅宗磐宗雋三年賜宗尹詔曰師臣密奏姦狀已萌心在無君言宣不道逮燕居而竊議謂神器以何歸稔於聽聞遂致章敗遂賜死并殺右丞蕭慶并希尹子同修國史已達符寶郎滿達是時熙宗未有皇子故嫉希尹者以此言譖之皇統三年上知希尹實無他心而死非其罪贈希尹儀同三司邢國公改葬之蕭慶銀青光祿大夫天德三年追封豫王正隆二年例降金源郡王大定十五年謚貞憲孫守道守貞守



能守道自有傳

守貞本名蘇頁貞元二年襲祖古新穆昆大定改元收  
充符寶祇候授通進除彰德軍節度副使遷北京留守  
移上京坐安置契丹戶民部內娶妻杖一百除名二十  
五年起為西京警巡使世宗愛其剛直授中都左警巡  
使遷大興府治中進同知改同知西京留守事御史臺  
奏守貞治有善狀世宗因謂侍臣曰守貞勲臣子又有  
材能全勝其兄守道它日可用也章宗即位名為刑部

尚書兼右諫議大夫守貞與修起居注張暉奏言唐中書門下入閣諫官隨之欲其預聞政事有所開說又起居郎起居舍人每皇帝視朝左右對立有命則臨階俯聽退而書之以為起居注緣侍從官每遇視朝正合侍立自來左司上殿諫官修起居注不避或侍從官除授及議便遣始令避之比來一例令臣等迴避及香閣奏陳言文字亦不令臣等侍立則凡有聖訓及所議政事臣等無緣得知何所記錄何所開說似非本設官之義

若漏泄政事自有不密罪上從之尋為賀宋生日使還  
拜叅知政事時上新即政頗說意於治嘗問漢宣帝綠  
核名實之道其施行之實果如何守貞誦樞機周密品  
式詳備以對上曰行之果何始守貞曰在陛下厲精無  
倦耳久之進尚書左丞授上京世襲穆昆明昌三年夏  
旱天子下詔罪己貞貞惶恐表乞解職詔曰天畀時雨  
荐歲為災所以警懼不逮方與二三輔弼圖回遺闕宜  
思有以助朕修政上答天戒消沴名和以康百姓卿達

機務朕所親倚而引咎求去其如思助何守貞懇辭乃  
出知東平府命叅知政事瓜爾佳衡諭之曰卿勲臣之  
裔早登臚仕才用聲績朕所素知故嗣位之初擢任政  
府于今數載毗贊實多既久任繁劇宜均適遂安矧內  
外之職亦當更治今特授卿是命東平素號雄藩兼比  
年饑歉正賴經畫卿其為朕往綏撫之仍賜金幣廩馬  
以寵其行它日上問宰臣守貞治東平如何對曰亦不  
勞力上曰以彼之才治一路誠有餘矣右丞劉瑋曰方

今人材無出守貞者淹留于外誠可惜也上默然尋改  
西京留守監察御史富拉塔劾奏守貞前宴賜北部有  
取受事不報右拾遺路鐸上章辯之四年召拜平章政  
事封蕭國公上御後閣召守貞曰朕以卿乃太師所舉  
故特加委用然比者行事多太過門下人少慎擇復與  
丞相不協以是令卿補外載念我昭祖太祖開創以來  
乃祖佐命積有功勞茲故召用卿其勉盡乃心與丞相  
議事宜相和諧率循舊章無輕改革因賜玉帶併以富

拉塔所彈事與之曰朕度卿必不爾故以示卿舊制監察御史凡八員漢人四員皆進士而女直四員則文資右職叅注守貞曰監察乃清要之職流品自異俱宜一體純用進士一日奏事次上問司吏移轉事守貞曰今吏權重而積弊深移轉為便上嘗歎文士卒無如黨懷英者守正奏進士中若趙渢王庭筠甚有時譽上曰出倫者難得爾守貞曰間世之才自古所難然國家培養久則人材將自出矣守貞因言國家選舉之法惟女直

漢人進士得人居多此舉更宜增取其諸司局承應，  
舊無出身大定後才許敍使經童之科古不常設唐  
諸道表薦或取五人至十人近代以為無補罷之本  
皇統間取及五十人因為常選天德間尋以停罷陛下  
即位復立是科朝廷寬大放及百數誠恐積久不勝以  
擬宜稍裁減以清流品又言節用省費之道竝嘉納臣  
先是鄭王永蹈等伏誅上以其家產均給諸王戶部  
中季敬義言恐因之生事上又以董壽為宮籍監都管

勾竝下尚書省議守貞奏陛下欲以永蹈等家產分賜  
懿親恩命已出恐不可改今已減諸王弓矢府尉司甘  
出入臣以為賜之無害如董壽罪人也特恩釋之已為  
幸矣不宜更加爵賞上是守貞所言自明昌初北邊屢  
有警或請出兵擊之上曰今方南議塞河而復用兵於  
北可乎守貞曰彼屢突軼吾圉今一懲之後當不復來  
明年可以見矣上因論守禦之法守貞曰惟有皇統以  
前故事捨此無法爾守貞讀書通法律明習國朝故事



時金有國七十年禮樂刑政因遼宋舊制雜亂無貫章  
宗即位乃更定修正為一代法其儀式條約多守貞裁  
訂故明昌之治號稱清明又喜推轂善類接援後進朝  
廷正人多出入門下先是上以疑忌誅鄭王永蹈後張  
汝弼妻高托噶獄起意又若在鎬王永中時右諫議大  
夫賈守謙上疏陳時事思有以寬解上意右拾遺路鐸  
繼之言尤切直帝不悅守貞持其事獄久不決帝疑有  
黨乃出守貞知濟南府事仍命即辭前舉守貞者董師

中路鐸等皆補外上語宰臣曰守貞固有才力至其讀書方之真儒則未也然太邀權譽以彼之才而能平心守正朝廷豈可少離今茲令出蓋思之熟矣俄以在政府日嘗與近侍竊語宮掖事而妄稱奏下上命有司鞫問守貞款伏奪官一階解職遣中使持詔責諭之曰狹姦罔上古人常刑結援養交臣之大戒孰謂予相乃蹈厥辜爾本出勲門寢登膺仕朕初嗣位亟欲用卿未聞歲時升為宰輔每期納誨共致太平蓋求所長不考其

素拔擢不為不峻任用不為不專曾報効之弗思輒私  
權之自樹交通近侍密問起居窺測上心預圖趨向絲  
患失之心重故欺君之罪彰指所無之事而妄以肆誣  
實未始有言而謂之嘗諫義豈知于歸美意專在于要  
君其飾詐之若然豈為臣之當爾復觀彈奏益見私情  
求親識之援而列布宮中縱罪廢之餘而出入門下而  
又凡有官使斂為己恩謂皆涉于回邪不宜任之中外  
質之清議固所不容揆之乃心烏得無愧姑從輕典庸

示薄懲仍以守貞不公事宜諭百官於尚書省永安元  
年降授河中防禦使五年改博勒和孔薩克節度使過  
關上賜手詔責諭之令赴職久之遷知都府事時南鄙  
用兵上以山東重地須大臣安撫乃移知濟南府卒上  
聞而悼之勅有司致祭賻贈禮物依故平章政事富察  
通例謚曰肅守貞剛直明亮凡朝廷論議及上有所問  
皆傳經以對上嘗與泛論人材守貞乃述其心術行事  
臧否無少隱故為胥持國輩所忌竟以直罷後趙秉文

由外官入翰林遽上書言願陛下進君子退小人上問  
君子小人謂誰秉文對君子故相完顏守貞小人今叅  
知政事胥持國其為天下推重如此

守能本名呼喇累官商州刺史正隆末宋人陷商州守  
能被執大定五年宋人請和誓書曰俘虜之人盡數發  
還完顏仲為報問國信使求守能及新息縣令完顏阿  
禪於宋遂與俱歸守能等至京師入見詔給舊官之俸  
大定十九年為西北路招討使是時詔徙斡罕餘黨于

臨潢泰州伊喇密拉嘗從斡罕其弟齊達當徙而偽稱  
身亡以馬賂守能固匿不遣及受賕補賽音番部通事  
事覺是時烏庫哩實壘部族節度副使實新安巴杖殺  
無罪鎮邊明安尚書省俱奏其事上曰守能由刺史超  
擢至此敢恣貪墨向者招討司官多進良馬橐駝鷹鵠  
等物蓋假此以率斂爾自今竝罷之因責其兄守道曰  
守能自刺史躡遷招討外官之尊無以踰此前招討扎  
克丹以貪伏誅守能豈不知乃敢如此其意安在爾之

親弟何不先訓戒之也上謂宰臣曰監察專任糾彈宗  
州節度使阿索美初之官途中侵擾百姓到官舉動告  
違法度完顏守能為招討使貪冒狼籍凡達官貴人皆  
未嘗舉劾阿都齊羣牧副使布薩納延取部人毬杖  
杖即便彈奏自今監察御史職事修舉然後遷除不舉  
職者大則降罰小則決責仍不得去職尚書省奏守能  
兩賊俱不至五十貫抵罪實新安巴解見居官并解甘  
襲穆昆止曰此舊制之誤居官犯除名者與世襲併罷

之非犯除名者勿罷遂著于令特詔守能杖二百除名  
贊曰阿里罕之善頌宗雄之強識希尹之敏學益之以  
征伐之功豈不偉哉

金史卷七十三